

29. September 2016

Uunga siunnersuut: Sermip erngullu avammut nioqutissatut atorneqarnissaat pillugu Inatsisartut inatsisaata allanngortinneqarneranik Inatsisartut inatsisaat nr.xx, yy 2016-imeersoq.

(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)

Qulaani pineqartoq Siumumiik imaattumik oqqaseqarfigissuarput.

Siumumiik anguniarparput Imeq Nilallu avammut nioqutitut inerisarneqassasoq. Taamaammat nuannaarutigalugu oqaatigissuarput nioqutigisinnaasatta minguiulluinnartup avammut iluatsittumillu niuerfissaqalernissaa siunertaralugu Naalakkersuisut pimoorussillutik suliniuteqarmata.

Naluneqanngittutullu uanga nammineerlunga manna aqutigalugu sermimik imermillu nassuiaammut 2004-meersumut malinnaatitsissummik Naalakkersuisut aappaagu ukiakkut pissusiviusut aallaavigalugit pilersaarusiukkamik imermik sermimillu tuniniaanerup ineriartortinneqarnissaanut saqqummiusseqqullugit peqquneqassasut siunnersuuteqarnikuuvunga.

Tamanna amerlanerussuteqarluartunik taparserneqarnikuuvoq, taamaammat naatsorsuutigaara una saqqummiunneqartoq ilaatigut tassangga tunngaveqartumik sulinialereersimanerup ilagigaa.

Siumumiik arajutsisimannngilarput imermik sermimillu nioqquteqarsinnaanerup periarfissiissutaa-reernerata kingorna ajoraluartumik nioqutissiornerit arlallit iluatsinnerpaajusimannngittut. Soorlu Qeqertarsuarmi puilasumiit imermik (938) tunisassiorneq *“perulluliuutaasumik”* ingerlanneqarluarsimasoq. Aammali allani misiliisoqartarsimagaluarpoq.

Iluatsippallaartannnginnerinut sorpiaat pissutaasarsimasinnaanerat eqqoriarsinnaagunarparput.

Akitsuusersuinersuit arriillisaatiginerpagut? Nammineerluta iluanaarutigalugu nioqutissiarisinnaasatsinnut assartuinikkut atugassarititaasut pitsanngorsarpallaannginnerpagut?

Taagorneqarsinnaasut iluarsisariallit amerlagunaraluaqaat. Tassami nunarsuarmioqatigiit imermik pisariaqartitsigaluttuinnarnerini imiup maangaannartittakkatta atorluarnerunissaanut aqutissiuus-

sinissamut pissutissaqartippaatigut. Misilittakkalli assigiinngitsut eqqarsaatigalugit imermik niueqateqarnerulernissamut niuerfiusinnaasut peqqissaartumik qulaajaaffigeqqissaarlugit sulisoqarnissaa Siumumiit kaammattuutigissavarput.

Imeq maangaannartittagarput pineqarmat aammalu atorluaanissamik siunertaqarmat Siumumiit kissaatigaarput ataatsimiititaliamut susassaqtumut suliareqqitassanngorlugu ingerlatinneqassasoq.

Jess Svane

Siumut